

Dadus relata 12 Juñu 2020

SUMÁRIU

- Atividade monitorizasaun no avaliasaun hala'o hosi MS no OMS ho apoiu finanseiru hosi KOICA ba responde COVID-19 iha sentru saúde komunitária (SSK) remata ona iha munisípiu hosi ezeptu Manufahi no Lautem. Rezultadu hosi vizita ba SSK hirak ne'e sei partilla ho administradór nasional, distritu no SSK sira hotu, no lakuna sira ne'ebé halo ona diskusaun liuhosi mekanismu sensitizasaun iha distritu sira. Ekipa neen, kompostu hosi médiku OMS, ofisiais MS no pontu fokál vijilánsia nian ne'ebé maka halo avaliasaun ba facilidade saúde no pesoál saúde sira-nia prontidaun iha SSK ba COVID-19. Alende atividade M&E, OMS, ho apoiu finanseiru hosi KOICA fornese mós suprimentu ba saúde esensial no ba hamoos nian hanesan deterjente, sabaun, desinfetante ba kada SSK bazeia ba ezijénsia. Atividade iha terrenu sei kontinua to'o 19 Juñu no sei atinji to'o SSK 70 iha munisípiu 13.
- OMS fornese tán ekipamentu protesaun ba pesoál ba Ministériu Saúde hodi fó ba área besik fronteira; Covalima, Bobonaro, no Oecusse. Hirak ne'e inklui mascara médiku 22,500, okúlu protesaun 375, luvas 18,000 no roupa 1125 no respiradór 500 ba kada munisípiu.
- UNICEF, OMS, no IOM ajuda MS hodi halo avaliasaun ba prontidaun iha fronteira munisípiu no comunidade sira antes Estado Emerjénsia ida ne'e remata. Vizita ne'e foka ba halo avaliasaun iha medida kontrolu no prevensaun ba infesaun, triajen no facilidade tratamentu, bee no forneshimentu ba ijiene no saneamentu no halo sensitizasaun ba comunidade kona-ba medida preventiva COVID-19. Ekipa ne'e mós halo vizita ba fatin ne'ebé prepara hodi sai facilidade kuarentena. UNICEF sei fó suporta pilar relevante sira hosi MS hodi hadi'ak risku komunikasaun no envolvimentu comunidade, hala'o avaliasaun tékniku WASH no haforsa medida kontrolu no prevensaun ba infesaun iha pontu entrada sira.
- OMS no KOICA fó apoiu ba departamentu vijilánsia Ministériu Saúde, hodi fornese laptop no printer ba pontu fokál vijilánisa iha kada munisípiu.
- IOM servisu hamutuk ho OMS ho suporta finanseiru hosi USAID fó kontribuisaun hodi haforsa liután responde COVID-19 ba comunidade sira iha fronteira liuhosi ekipamentu nesesáriu no suprimentu

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dadus ne'ebé públika iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

7 273 958 konfirmadu (128 419)

413 372 mate (5 347)

AVALIASAUN RISKU OMS


Nível Globál Aas tebes

ba ijiene pesoál no ambientál. IOM mós distribui kit ijiene 138 ba polísia fronteira, klínika lokál, no fatin kuarentena iha munisípiu Covalima no Bobonaro.

- Enkuantu COVID-19 ne'e fó ameasa grave ba ema-nia moris no sistema saúde, kazu dengue mós hamate ema balun ona. Atu mantein moras ne'e labele hamate tan ema, Departamentu Saúde Ambientál, Ministériu Saúde ho apoiu hosi OMS hala'o prevensaun no kontrolu ba dengue iha munisípiu hitu ne'ebé iha risku aas; Dili, Ermera, Liquica, Baucau, Covalima, Manatuto, Lautem no Ainaro. Objetivu hosi atividade ida ne'e maka atu hamenus taxa mortalidade no haforsa liután asaun kontra dengue nian.
- Organizasaun Internasionál ba Migrasaun (IOM), Korea International Cooperation Agency no Laboratóriu Saúde Nasionál (LNS) Timor-Leste asina ona akordu ida hodi fasilita akizisaun ekipamentu laboratóriu ne'ebé maka sei aumenta kapasidade rai-laran ba teste COVID-19.
- IOM fó apoiu ba MS hodi fahe informasaun ba comunidade no disemina informasaun báziku kona-ba prevensaun COVID-19. IOM imprime no distribui poster 3869 iha língua lokál inklui Tetum, Bunak no Kemak iha vila hitu iha munisípiu Covalima no Bobonaro. Alende ne'e, IOM mós fahe informasaun liuhosi rádiu comunidade iha fronteira ba ema nain 18,000 mak sintuniza rádiu comunidade, utiliza karreta ho to'a liuhosi parseira ho PNTL (polísia fronteira), no Servisu Migrasaun; atividade hirak ne'e realiza ho fundu hosi USAID liuhosi kolaborasaun hamutuk ho OMS.
- Ministériu Saúde, Instituto Nacional Saúde (INS), Hospital Nacional Guido Valadares (HNGV) hala'o treinamentu ba planu prontidaun no responde ba COVID-19 ba pesoál saúde sira iha sentru saúde komunitária no ospital referál iha Suai, Ermera no Bobonaro ho apoiu hosi OMS, USAID, Jhon Snow, Inc (JSI) no Health Alliance International (HAI).
Kurrikulu tékniku ba treinamentu ida ne'e dezentolve hamutuk hosi INS, OMS, Maluk Timor, no St John of God. Treinamentu ne'e kobre área prinsipál 12 hosi planu prontidaun no responde ba COVID-19 no tópiku sira seluk tan. Área prinsipál 12 ne'e maka: i) introdusaun ba COVID-19, ii) IPC, iii) triajen, iv) PPE/EPP, v) jestaun kazu moderadu no kmaan, vi) Psikolojia, vii) transfere seguru ba pasiente, viii) komunika ho pasiente no família, ix) kuidadu ba TB no HIV tuir kontestu COVID-19, x) mantein servisu saúde esensiál, xi) promosaun saúde, no xii) kuidadu paliativu




Data notifikasaun kazu foun no kumulativu COVID-19 iha Timor-Leste
(12-Jun-2020 : kazu foun-0 kumulativus-24)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltamentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventiva, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-